

真空休歇之餘更無別地獄種作冤業六識熾然如火熱立我
爭人昧休歇甘受碎身並拔舌休與歇真口訣無愚無智無工
拙從上師真只恁修不遇知心誰肯泄休非休歇非歇大用現
前無扭捏主張元化絕形蹤囊括虛空超起滅亦無休亦無歇
歇歇休休皆強說欲知真歇與真休一輪皎潔中秋月

錢塘有作

紅霞映朱欄白雲隱青山塵中人不到雙鶴舞柴關瑤琴一曲
詩數篇山童煮茗爐無烟爲思塵世去遊樂一別洞天今幾年
湘江江上月初白湘浦浦邊風色清斷腸聲咽玉笛碎愁殺霜
堤多少情人 生總浮雲仙家依舊春歸去來兮樂吾真

道藏輯要

虛靖真君語錄

十一

又翼集七

和元規任從他歌

任從他儘教他莫管他他非奈我何盡日閑同方外友高
吟落筆如懸河世上無心結凡累匣中有劍降陰魔長生已悟
玄關旨從教烏兔走如梭塵勞汨沒誠堪惡孰肯飄蕩隨蹉跎
靜處每思喧處事到頭空自競噓呵任從他儘教他莫管他但
從元氣養冲和有時恣把丹書讀無事閑尋玉軫歌我心非石
不可動任從俗論生乖訛松簪布褐且自樂豈戀浮華張綺羅
神爐交媾鍊金液混乎湛湛而日多功行圓成共歸去飄飄飛
蓋拂霄河任從他儘教他莫管他

橐籥歌